

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

پیل ۱

اسلام مجبور دی

مسلمانلرک فائدہ سنہ چالیشیر اون بش کوندہ برجیقار

قرآن کریم

- بسم الله الرحمن الرحيم -

واذ قال ابراهيم لاييه آزر اتخذ اصناماً آلهة انى اريك وقومك فى ضلال
مين وكذلك نرى ابراهيم ملكوت السموات والارض وليكون من الموقنين
فلما جن عليه اليل رآ كوكباً قال هذا ربى فلما افل قال لا احب الآفلين
فلما رآ القمر بازغاً قال هذا ربى فلما افل قال لئن لم يهدينى ربى لا كون
من القوم الضالين فلما رآ الشمس بازغة قال هذا ربى هذا اكبر فلما افلت
قال يا قوم انى برى مما تشركون انى وجهت وجهى للذى فطر السموات والارض
خيفاً وما انا من المشركين

سورة الانعام

مضمون شریفی :

یاد آیت اول زمانده کی حادثہ بی کہ : ابراهیم (ع، م) پدری (آزر) ه
» پوطلری (بتلری) می اله ای دینیوسک . بن ؛ سنی وسنک قومکی آچیق
برصایقلده کوریورم » دیدی . امر دینده یقین صاحب لرندن اولسون دییه
پوطاره طایفه، تک چیرکینلکنی کوستردیکمز کی ابراهیم (ع، م) ه کوکلرک
و یرک بدایع ملکوتی دخی کوستریر ایدک : وقتا که کیجه اولدی . بر ییلدیز
کوروب » ایسته بور بیدر !... » دیدی وقتا که افول ایتدی . » بن افول ایدنلری

سومه!..» دیدی وقتا که طوغمقده اولان آبی کوردی «ایشته ریم بودر!..» دیدی وقتا که افول ایتدی. «ریم بانا دوغرو یولی کوستر مزسه شهه سز بنده صایقلردن اوله جغم» دیدی. وقتا که شعشه انداز طلوع اولمقده اولان کوئشی کوردی «ریم ایشه بودر!.. بو؛ هپسندن یویوک!» دیدی. وقتا که افول ایتدی. «ای قوم! بن سزک الله تعالی یه شریک قوشدینگز شیلردن برییم. بن یوزیمی هرشیدن چویره رک کوکلری ویری یارادن تا کری یه دوتدوردم. وین؛ مشرکلردن دکلم» دیدی.

بایزید دز ساعملرندن

سُرف التَّیْبَه

فقه

اجتماعی اصول فقه تاصل تأسس ایدر؟

حقوق، دولت داخلنده یاشایان اشخاصک یکدیگریله اولان مناسبتلرنده رعایته مجبور اولدقلری قواعددر. شو تعریفه دقت ایدلدیکی تقدیرده حقوقک بر اجتماعی قوت اولدینی تسلیم اولنور؛ فی الحقیقه حقوق انسانلرک فعالیتلرنده بر مؤثر ناظم اولق وظیفه سنی ایفا ایدر. معاملاتندم قوه عامه بی کندیته ظهیر کورمک ایستیانلر بهمه حال حقوقه توقیق حرکت ایتلیدرلر. حقوق قاعده لری اخلال ایدیلهرک اجرا اولنان معاملات جبرمادی ایله تعدیل و اصلاح اولنور. آنجق حقوقی قاعده لریک جبرمادی ایله مؤید اولسی بونلر ایچین اصلی و ممیز بر صفت دکلددر. حقوقک استناد ایتدیکی اصلی قوت عام و شامل بر معنا ایله عرف اجتماعی، عرف اجتماعی ایسه بر چوق قاعده لریک وجودینی تضمن ایدر: اجتماعی و اقتصادی صنفلر، مدنی معاملهلر، و مسالک مخصوصه، دینی مناسبتلر، عائله حیاتی، بلدی حیاتی،... کندیلرینه خاص قاعده لره، عرفلره مالکدرلر. بوقاعده لر وجدانلر اوزرنده حائر قوتدزلر. بوقوت حقیقی وقعلر قارشینده انسانک روحیاتی اقتضاسی اوله رق الدینی بروضع مخصوصدن ایلری کلیه: انسان

کنندنی دائمی صورتده احاطه ایدن ، کندی طرفدن دائماً مشاهده اولنان و تکرار ایدیلان وقعہلری اویله سادہجه بروقعہ اولہرق قبول ایتمز ، اولنردہ معقولیتی حائر دستوری [۴] بر قیمت کورور . شودستوری قیمت تکرر ایدن اجتماعی وقعہلرہ اعجاز ویرر و بوقاعدہلری وجدانلردہ یشادیر .

ایسته حقوقک استناد ایتدیکی اصلی قوت حقوق قواعدینک دستوری بر قیمتی اولدیغنه دائر وجدانلردہ تأسس ایدن بوقاعدتدر . حقوقک دیگر قوتی اولان جبرمادی ایسه وجدانلردہکی قناعتدن متولد برنجی قوتک بر معاون لازمندن بشقه برشی دکلدر . تاریخک تجاربی وجدانلردہ بر طوتان عرف اجتماعی ایله بر حقوقی قاعدہ تعارض ایتدیکنده قاعدہ حقوقیه نک جبرمادیسی اونی پایدار ایتک ایچون کافی اولمادیغنی اثبات ایتدی . عرف اجتماعی ایسه حیات ایله مترافق بر صورتده تکامل ، حتی تبدل بیله ایدر .

اجتماعی حیاتده موقعی غائب ایدن ، وجدانلردہ دستوری قیمتی یشامیان قاعدہلری حقوقی اولہرق تلقی ایتک قطعاً علمی اولهناز . بوتک ایچین بر حقوقچینک ، یعنی بر فقیهک وظیفهسی عرف اجتماعی بی مشاهده و تفحص ایدرک وجدانلردہ یشایان دستورلری میدانه جیقارمقدردر . بوصورتله فقیه حیات عملیه ایله دائماً مناسباتده بولمغه مجبوردر . چونکه حقوق حیاتک مشکلمسندلکلرینی انعکاس ایتدیرمکدن بشقه برشی یا پاماز . حیات ایسه منطقک مجرد قاعدہلریله توغل ایتمز . بویوک بر حقوقشناسک دیدیکی کبی حقوقی تعقیب ایتک وقعہلرہ طاندکل ، وقعہلری تعقیب حقوقه مترتب بر وظیفهدر .

بو حقیقته بناء درکه فقیهک مساعیسنده تطبیق ایدهجکی برنجی اصول « استقراء » در .

فقیه احکام کلیه بی احتوا ایدن قاعدہلری بولمق وظیفهسیله مکلفدر . بواساسلر ناصل بولنهجق ؟ فقیه بونلری حیات حقوقیه نک کافه اشکالی التده ارايه ایتدیکی مختلف تظاهراتی تحلیل ایدرک ارایه جق در . عقله ، مخیلهیه مراجعتله قاعدہ جیقارمیه جق ؛ وقعہلرہ ، بر حقوقشناس ایچون پک قیمتدار اولان وثائقه ، کتابه ، مجلهلرہ ، علمانک ، محاکمک اجتہادلرینه مراجعت ایله وجدانلردہ پایدار

یوراده کی دستور [Norme] مقابایدر .

و برقرار اولان جانی عرف اجتماعی قاعده لرینی استنباط ایده جکدر . ایسته فقیهک مکلف اولدینی شو وظیفه نی حقوق اسلامییه ، فقهه شرف و یرن اعظم فقها تماماً تقدیر ایتش لردی ؛ چونکه عصر لرینک وجدانلرنده یشایان واجتماعی اولان دینی عرفلردن قاعده لر استنباط ایتک ایچون کتاب ، سنت واجتماع امتده تدقیقات و تحریاتده بولمق صورتیه بذل مجهود ایتش لردی . تطبیق ایتدک لری اصول تماماً استقرائی ایدی . استقرایه حرمتلرندن ، وقعه لریک ، اجتماعی عرفک نظریاته نسبتله پک توتلی اولدیغنه ایناندقلرندن ناشی ایدی که « حاجت عمومی اولسون ، خصوصی اولسون ضرورت متزاه سنه تنزیل اولنور » قاعده سنی وضع ایتدیلر ؛ ضرورتی ایسه « استحسان » ایچون دلیل اوله رق قبول ایلدیلر . عصریمزده وجدانلرده یشایان عرف اجتماعی قاعده لرینی استنباط ایچون عینی اصول تحری نی ، عینی اصول استقرائی تطبیق ایتک لازم دکلی ؟

فقیه استقراء اصولیه برنجی وظیفه سنی ، قاعده لری ، اساسلری بولمق وظیفه سنی ایفا ایتش اولور ؛ بوندن سوکره فقیهک ایکنجی وظیفه سی باشلار . قاعده بر احتیاج دماغی نی ویا بر ذوق درونی نی تطمین ایچون ارانوب بولمادی . قاعده حیاتک هر کون بیکرله میدانه آبدیغی یکی حالله ، ناکه ظهور حادثه لره تطبیق اولمق ، افاده ایتدیکی حکم ، اشتراک علت سببیه یکی بر حادثه ده اظهار ایدمک ایچون فائده لیدر . چونکه قاعده حادثه نی حل ایده جکدر . شو وظیفه محاکمک اجتهداتنه مودوعدر ؛ قاعده حاکم ایچون آلات مساعی ، حل مشکله خادم وسائطدر . حاکم شو وظیفه سنی ایفا ایچون « قیاس » اصولی تطبیق ایدر .

قیاسک انک بویوک بر فائده سی ده قاعده نک تقدیر قیمته ، وجدانلرده کی قوتی ا کلامنه ، حادثات ایله قابلیت امتزاجیه سنی تعینه مدار اولماسیدر . حاکمک شو عملیه نی یابدیغی صروده قاعده ایله حادثه بیتده بعضاً عظیم بر ضدیت کور یاه بیلیر . ارتق اوقاعده نک یرینه حادثاتی بحق احاطه ایدن دیکرینک اقامه سی ضرورت کسب ایدر . فقط قیاس اصولی تطبیقده بویوک بر مهارت وتدبره احتیاج کوستر . بو خصوصی بحق تقدیر ایچون حقوقک بر جبر دستوری اولمادیغنی دوشونمک کافیدر . فقیه قاعده نک مفتونیدر ؛ چونکه هر مشکلی کشاد ، هر

مسئله بی حل ایده جک بر مفتاحه مالک اولدینی ظنیه پرسرور و نشاطدر . قاعده ایله حادثه بی تقریب ایدر ؛ صغرالر ، کبرالر یاپار ؛ نتیجه یه واصل اولور . مع التأسف اکثریا چوق منطقی اولق ایستدیکندن غیر قابل قبول نتایج الده ایدر . بونک ایچین قاعده بی تطبیق ایتمزدن اول ، اوقاعده بی وضع ایله یتشلمک ایستن غایه نك نه اولدینی بيلمک ، قاعده نك سبب وضعی ، اووقده کی عرف اجتماعی اوکره نك ایجاب ایدر . تطبیقاتنده کوزلر دائماً بوغایه وسیه متوجه اولمالیدر . اکر قاعده ایله سبب و غایه سی آره سند کی رابطه انقطاع ایتمش ایسه قاعده بی معنا دیمکدر ؛ حکم ایتمامک ، توقف ایتمک ایجاب ایدر . شو آتده فقیه دوشونمایدر که حقوق ، قاعده لر کندی باشه برر هیچدرلر ؛ شکلدن ، زرهدن باشقه برماعیتلری یوقدر ؛ سیدن ، غایه دن آیریلنجه اولر بی معنادر ؛ سیاسی ، اقتصادی ، مدنی ، بلدی ، عائلوی ، دینی ، اجتماعی رابطه لردن انفکاک ایتمک لرنده برر بوش ظرف ، برر استعمالدن دوشمش قالبدرلر ؛ حادثه لری ، یکیدن یکی یه ظهور ایدن عرف اجتماعی لر کوزیومهرق ، ینه بواسکیمش ظرفلره صومغه چالشمق ، بواسکی قالبلره اصاغه ایله اوغراشمق اولری صیقمق دیمکدر ؛ حیات اجتماعی نك انکشافه مانع اولق ، توزیع عدالت ایله مأمور ایکن عکسینی یایمق در . فقیه عبارات والفاظه تعبد لارم اولمادیغنه تماماً قناعت کتیرمایدر . بوقناعتله حق تفسیرینی ، قاعده یه استئوا جوده کتیره بيلمک صلاحیتی استعمال ایتملی . بوضورتله واضع قانونک مداخله سی ایچین زمینی احضار ایتملیدر .

بر فقیه شوایکی وظیفه بی ، قاعده بی بولق و اونی حادثاته تطبیق ایتمک وظیفه لرینی ایفا ایده بيلملی در .

فقط فقیه شو نتیجه یه دسترس اولق ایچون فقهی ناصل بيلملی ؛ اکر بزده شیمدی یه قدر اولدینی کی عبارات قانونیه نك الفاظی صرف ونحو جهندن تحلیل اولمق بوندن بویله ده وقوف قانونی ایچون کافی عد اولنورسه بوغایه قطعاً یتشیه من بر مفکوره حاله کچر .

فقه تاریخیله برابر مقایسه لی وتنقیدی بر صورتده فقیه لرك دائرة اطلاعه کیرسه آرزو ایتمدیکمز نتیجه کندیلمکدن وبالضروره حاصل اولور . اوزمانده

مقتدر و قيمتدار بر تورك اجتماعياتچيسنك لزوم تاسيسنى اعلان ايتديكى « اجتماعى
اصول فقه » تاسيس ايدر . قونيه مبعوفى و عثمانلى دارالفنونى حقوق شعبه سى

حقوق عامه و اداره معلمى

مصطفى شرف

تاريخ

امام ابن تيمية نك ترجمه هالى

دينه ، ملكه خدمت ايتمش اسلاف كرام ايله محترم
قارنلر آره سنده معارفه تاسيسنه چاليشق مجموعه نك
املرندن برينى تشكيل ايدر . ايشته يودفعه اسلامك مجدد
عالمردن ابن تيميه مرحوم ايله معارفه پيدا ايتك ايتك بورزه
بزه بو خصوصنده مرحومك آثارى اوزرنديه اوزون
تبعات اجزاسيله مشغول اولان رضاء الدين بن فخر الدين
افندى حضرتلرى رهبرلك ايدم جكدر : حضرت الله ،
استاذم موقتيت و قولايلىق و برون :

امام ابن تيميه

— ۱ —

قرآن كريم وسنت شريفه غلامرينه خدمت ايدوب بوتون حياتنده تعصب
ويدعت ايله محاربه ايدن قهرمان و قداكار عالمردن بريدده تقى الدين ابن تيميه
اولسه كرك . بوكيمسه حقيقت و علم يولنده قربان اولانلردندر .

ابن تيمية نك اسمى احمد بن عبدالحليم ابى المحاسن شهاب الدين بن عبد السلام
ابى البركات مجد الدين بن عبد الله ابى محمد بن الحضر [۱] ابى القاسم اولوب
كنيه سى ابوالعباس ، لقبى ده تقى الدين ، عائله سنك عنوانى ده « ابن تيميه » در .

[۱] ابن تيمية نك ترجمه سنى يازانلر بوكيمسه نى يالكر « ابوالقاسم » ديه ذكرايتمش
ايسه لرده اسم وكنيه لرك تصحيحى خصوصنده دقتلى اولان ابن خلكانه متابعت ايدوب
بز « الحضر » اسمنى ده علاوه ايتدك .